



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

იბნ ალ-ფუვატი

იბნ ალ-ფუვატი, ქამალ ალ-დინ (25 VI. 1244, ბაღდადი, - I. 1323, იქვე), არაბი. ისტორიკოსი. მოღვაწეობდა ბაღდადსა და აზერბაიჯანში. 1261-62 და 1280-81 მარალის (აზერბაიჯანის) ობსერვატორიაში განაგებდა ბიბლიოთეკას.

მისი შრომებიდან აღსანიშნავია „მოკლე კრებული ცნობებისა ლაკაბთა ლექსიკონში“ („თალხის მაჯმა ალ-ადაბ ფი მუჯამ ალ-ალკაბ“), რ-იც არასრული სახითაა (IV-V ტომები) შემონახული. მასში არის ცნობები თბილისელ მუსლიმთა შესახებ, რ-ებიც მუშაობდნენ მარალის ობსერვატორიაში, მათ შორისაა თბილისის ყადი, ცნობილი მათემატიკოსი და ასტრონომი ფახრ ალ-დინ ალ-ხილათი.

ლიტ.: ჯ ა ფ ა რ ი ძ ე გ., XIII საუკუნის თბილელი მეცნიერი მარალის ობსერვატორიაში, «მაცნე». ისტორიის, არქეოლ., ეთნოგრ. და ხელოვნ. ისტორიის სერია, 1984, № 2.

გ. ჯაფარიძე
